

BERITA

Presiden Halimah: Dunia perlu bekerjasama tangani ancaman kesihatan masa hadapan, perkukuh sistem kesihatan

PRESIDEN Halimah Yacob berkata dalam dunia yang merentasi sempadan sistem kesihatan, pakar sains dan rakan kongsi dalam industri mesti bekerjasama dengan rapat untuk menangani pelbagai ancaman seperti yang dilalui sewaktu berhadapan dengan Covid-19.

Menyifatkan wabak Covid-19 sebagai pengajaran yang terbesar, beliau menyebut mengenai tiga bidang utama di mana kerjasama adalah penting.

Ini termasuk mengesan ancaman yang muncul, menangani penyakit berleluasa dan memudahkan perkongsian ilmu untuk mengukuhkan tahap kesihatan sistem.

"Kami telah menempuh perjalan-

an yang panjang dan sukar, serta mempelajari banyak perkara daripada pandemik Covid-19 bersama.

"Ia mungkin pengajaran terbesar tentang kesalinghubungan di mana kita mesti memanfaatkannya dengan baik dan awal, dan menggunakan sebagaimana kelebihan," ujarnya semasa berucap di Kongres One Health Sedunia (WOHC) ke-7 semalam.

Untuk mengesan ancaman yang muncul dengan lebih baik, Program bagi Penyelidikan dalam Kesiapsiagaan dan Tindak Balas Epidemik, atau PREPARE telah dilancarkan.

Diterajui Profesor Wang Linfa dari Sekolah Perubatan Duke-NUS, salah satu pengurus bersama Kon-

gres ini, disokong oleh Majlis Penyelidikan Perubatan Kebangsaan Kementerian Kesihatan, dan ditadbir oleh Pusat Nasional bagi Penyakit Berjangkit (NCID), program itu akan menghubungkan pakar dari pelbagai disiplin serta agensi pemerintah untuk menangani ancaman wabak penyakit berjangkit masa hadapan.

Selain kesiapsiagaan wabak, Puan Halimah berkata sama penting bagi kita untuk membina secara kolektif umum global untuk kesihatan keseluruhan yang lebih baik dengan menggunakan wadah Kongres One Health Sedunia.

Di Singapura, Perubatan Ketepatan adalah salah satu bidang tumpuan di bawah Pelan Penyelidikan, Inovasi dan Perusahaan 2025.

Inisiatif ini bertujuan mempercepatkan penyelidikan kesihatan perubatan ketepatan dan membangunkan kemuncak kecemerlangan penyelidikan.

"Dengan berbuat demikian, kita boleh mengubah penjagaan kesihatan dan meningkatkan hasil pesakit melalui maklumat baru tentang genom Asia dan melalui penyelesaian penjagaan kesihatan yang menggunakan data," kata Puan Halimah.

Satu lagi usaha yang penting adalah perkongsian ilmu untuk mengukuhkan tahap kesihatan sistem.

Menggunakan kongres ini sebagai contoh, beliau berkata ia dapat menyumbang kepada agenda antarabangsa membangunkan model penja-

gaan baru populasi sasaran di negara Asean.

"Kongres ini akan membolehkan masyarakat antarabangsa mendalami perbincangan One Health.

"Ada dasar pembuat, saintis terkemuka, pasukan penyelidik, ahli akademik dan penyelidikan pengurusan program di antara kami, yang menjadikan acara ini sebagai satu platform yang sesuai untuk perbincangan yang berfikiran sama dan strategik," katanya.

Lebih 2,400 orang berkumpul secara fizikal dan dalam talian bagi acara perdana dunia untuk memajukan agenda One Health di Pusat Ekspo & Konvensyen Sands di sini.

Mereka yang menghadiri kongres itu terdiri daripada institusi aka-

demik, masyarakat sivil, badan permerintah, sektor swasta dan pelbagai hala pertubuhan di seluruh dunia.

Kongres lima hari itu dihoskan oleh Institut Kesihatan Global SingHealth Duke-NUS Singapura (SDGHI) di bawah naungan Pusat Perubatan Akademik SingHealth Duke-NUS bertemakan 'Mengintegrasikan Sains, Dasar dan Amalan Klinikal: Satu Keperluan Kesihatan Selepas Covid-19'.

Ia bertujuan memajukan pergerakan One Health global untuk meningkatkan kesihatan dan kesejahteraan dengan mencegah dan mengurangkan krisis yang berpunca daripada perhubungan haiwan-manusia-persekutaran.